

De mackelke Inkoopswagen

Mien Fründin in Italien köfft al siet Jahren mit so en neeimoodske Inkoopswagen in. Daar sünd vörn bi de Greep en Scanner un en lüttje Display an fastmaakt. Mit de Scanner mutt man van elke Artikel, ehrdat man de in de Inkoopswagen deit, de Streekcode scannen. De Scan word glik in dat lüttje Display uplist. So weetst du futt, wo vööl Geld du al utgeven hest. Mackelk, neet?

Nu kunn een fragen, waarom man de Minsken, de in de Supermarkten an de Kass arbeiden, de Arbeit wegnehmen sall. Dat is doch neet mooi, wenn de arbeidslos worden. Man villicht bruukt een daar



Cornelia
Nath

heel keen Nood vör hebben.

In de Supermarkt van mien Fründin in Italien löppt dat so: Wenn se all hör Inko-

peree in de Wagen hett, geiht se na en Automaat, waar se hör Kunnenkaart of en Bankkaart insteken mutt. Dann word over de Scanner leest, wat se all inköfft hett, un se betahlt ok glik mit de Bankkaart.

Keen Wachten in de Slang vör de Kass. Keen Upacken van all Reev up dat Loopband un achteran weer ielig in de Inkoopswagen torügg, umdat de Lüü achter di al hibbelig worden. Keen söken van Kleengeld un keen drocke Kontroll van de Inkoopzedel, of 't ok all recht ofrekent worden is. Mackelk, neet?

Nu ja. Wenn dat in de Supermarkt löss is, kann man netso good an de Kass betahlen, denn de Be-

KOLUMNE

Moin, Moin
Schrievers moje
allerbest **Spraak** hoop
Pläseer **Vertellsel**
Smüstern

Platt maakt

tahlautomaat hett faker sien Nücken un dann kannst du daar en Bült Tied vernelen. Wenn de Supermarkt vull is, steihst du vör de Automaat ok in en Slang. Un netso as an de Kass, steihst du natürelk ok daar alltied in de verkehrte Slang, also de, waar de Minske vör di mit de Automaat neet klaar kummt.

Butendeem denken sük de Italieners: Vertroen is good, Kuntroll is beter! Un so gifft dat daar Angestellten, de sitten nu neet mehr an de Kass, man kuntrollen de een of anner Inkoopswagen van Kunnen, de hör Waren sülvst inscannet hebben. Wenn di dat raakt, hest du wiss keen Tied spaart. Dann word elke Artikel in dien Inkoopswagen uptillt un keken, of de ok inscannet worden is. Wenn een van dien Artikels neet inscannet is – vergeten, kann ja maal vörkomen – kriggst du en Probleem. Neet bi 't eerste Maal, man well en bietje vergetelk of ruffelig is, geiht doch beter an de Kass. Denn well faker tofaat kregen word, bi de vermoden se, dat daar Will achtersitt, un dat kann düür worden.

Bit nu gifft dat in de Landkreis Auerk noch keen Laden mit disse neeimoodske Inkoopwagens. Man dat kummt wiss. Of wi för dat Inkopen dann minner Tied bruken is neet so seker.